

Cartas nordic

Un serie de photos de locationes in le pais nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2014

■ **Mölle, Svedia:** Circa 35 km nord de Helsingborg al costa west de Svedia se trova le peninsula Kullen, e ci es le parve citate Mölle (Molino) situate, proxime al mar Kattegat. Illo es un destination popular pro turistas. Le casas in stilo typicamente svedese es situate in alto del latere del rocca con Grand Hotel al summitate, ma le casas non es situate in linea. Le precios de casas in Mölle es inter le plus alte in Svedia, proque quasi omnes ha un vista panoramic verso le mar. Ma Mölle claude immediatamente post le vacantias estive in agosto. Pois le citate es deserte, durante que le artesanos face lor reparationes. *Texto e photo: Thomas Breinstrup*



Questiones

1. Que se trova 35 km nord de Helsingborg?

2. Como es le nivello de precios in iste area?

3. Proque es le citate deserte in le fin de agosto?

4. Proque costa le casas in Mölle tante moneta?

5. Qui remane in Mölle, quando le turistas ha disparite?
